

AKHBAR : HARIAN METRO

MUKA SURAT : ONLINE

TARIKH : 22 NOVEMBER 2021

HARI : ISNIN

SENTIMEN : POSITIF

The image shows a screenshot of a news article from the Metro website. The article title is "Peminjam PTPTN nikmati diskaun sehingga 15 peratus" (PTPTN borrowers enjoy 15% discount). The author is Hanis Aliaa Hidzir. The article features a photograph of the PTPTN office interior, showing staff at desks and a sign for "PERBADANAN TABUNG PENDIDIKAN TINGGI NASIONAL". The article text discusses a 15% discount on loan repayments for PTPTN borrowers from November 1, 2021, to April 30, 2022. The photo caption reads: "Peminjam PTPTN nikmati diskaun mulai 1 November 2021 sehingga 30 April 2022. - FOTO New Straits Times".

DALAM pembentangan Bajet 2022, kerajaan bersetuju memberikan diskaun bayaran balik pinjaman Perbadanan Tabung Pendidikan Tinggi Nasional (PTPTN) kepada para peminjam.

Menteri Kewangan Tengku Datuk Seri Utama Zafrul Tengku Abdul Aziz berkata, peminjam berpeluang menikmati tiga kategori diskaun mulai 1 November 2021 sehingga 30 April 2022.

Inisiatif ini dilaksanakan sebagai tanda keprihatinan kerajaan kepada 1.67 juta peminjam PTPTN serta bagi memudahkan proses bayaran balik dan memupuk sikap bertanggungjawab.

Tiga kategori diskaun bayaran balik pinjaman PTPTN



INSENTIF BAYARAN BALIK PTPTN



- ▶ **Diskaun 15%**
atas baki hutang untuk **penyelesaian penuh pinjaman**;
- ▶ **Diskaun 12%**
untuk bayaran sekurang-kurangnya **50%** daripada baki hutang dalam sekali bayaran; dan
- ▶ **Diskaun 10%**
untuk bayaran balik melalui **potongan gaji atau debit terus** mengikut jadual.

**Tempoh Diskaun :
1 November 2021 hingga 30 April 2022**

www.ptptn.gov.my

BAJET
2022

Bagi kategori pertama, peminjam yang membuat penyelesaian penuh pinjaman layak mendapat diskaun sebanyak 15 peratus atas baki hutang.

Manakala, 12 peratus diskaun diberikan kepada peminjam yang membuat bayaran sekurang-kurangnya 50 peratus daripada baki hutang dalam sekali bayaran.

Bagi kedua-dua kategori ini, peminjam perlu mendapatkan pengesahan baki hutang melalui [portal rasmi PTPTN](https://www.ptptn.gov.my) atau menghubungi Eksekutif Pemasaran PTPTN di <https://www.ptptn.gov.my/hubungi-ptptn>.

Sementara itu, kategori ketiga pula membabitkan diskaun 10 peratus untuk bayaran balik melalui potongan gaji atau debit terus mengikut jadual.

Untuk kategori ini, peminjam yang ingin membuat bayaran balik melalui potongan gaji atau debit terus hendaklah membuat permohonan secara dalam talian di pautan berikut:

- [Potongan gaji](#)
- [Debit terus](#)

Peminjam yang sedang membuat bayaran balik pinjaman melalui potongan gaji atau debit terus juga layak menerima diskaun 10 peratus tertakluk kepada bayaran balik yang diterima oleh PTPTN mulai 1 November 2021 hingga 30 April 2022.

Insentif diskaun akan dikemas kini dalam akaun pinjaman peminjam pada setiap akhir bulan dan peminjam boleh membuat semakan penyata masing-masing mulai tujuh hari bulan pada bulan berikutnya.

Lahir rasa lega

Faieq Nuqman Mohd Zaidy, 24, berterima kasih kepada kerajaan dan PTPTN atas pemberian insentif diskaun dan berpandangan bahawa insentif ini amat membantu peminjam.

"Ini berikutan ramai yang terkesan akibat Covid-19 baru bangun semula untuk meneruskan kehidupan dan mula menyimpan duit.

Eksekutif perbankan, Ainaa Nadhirah Mat Adam, 29, pula berkata pengumuman itu merupakan berita gembira buatnya kerana sudah lama dia berazam menyelesaikan baki pinjaman yang tertunggak.

"Mungkin pada sesetengah orang merasakan insentif diskaun ini kecil nilainya, namun ia sudah cukup membantu peminjam seperti saya untuk membayar balik pinjaman daripada tiada diskaun langsung," katanya.

Justeru, insentif diskaun yang diumumkan ini wajar digunakan sebaik mungkin oleh peminjam PTPTN dengan merancang pembayaran balik yang lebih konsisten demi kelestarian generasi akan datang.

PTPTN sentiasa komited dan bersedia untuk membantu peminjam selaras dengan inisiatif #PTPTNSediaBantu.

Untuk sebarang pertanyaan, peminjam boleh melayari [portal rasmi PTPTN](#) di ruangan Soalan Lazim atau hubungi PTPTN melalui saluran berikut:

- Careline PTPTN di 03-21933000 (Beroperasi Isnin - Jumaat, jam 9.00AM - 5.00PM)
- Live Chat di www.ptptn.gov.my
- e-Aduan di <https://eaduan.ptptn.gov.my/>
- Eksekutif Pemasaran PTPTN di <https://www.ptptn.gov.my/hubungi-ptptn>
- Media Sosial Rasmi Perbadanan Tabung Pendidikan Tinggi Nasional

<https://www.hmetro.com.my/mutakhir/2021/11/780326/peminjam-ptptn-nikmati-diskaun-sehingga-15-peratus>